

<p>HELAIAN KETERANGAN PRODUK</p> <p>(Sila baca Helaiian Keterangan Produk ini sebelum anda membuat keputusan untuk menyertai “AGRO BESTARI-<i>i</i>”. Sila pastikan juga anda membaca terma dan syarat am).</p>	<p>PRODUK: AGRO BESTARI-<i>i</i></p> <hr/> <p>DITAJA JAMIN OLEH: TAKAFUL IKHLAS BERHAD</p> <p>Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia</p> <hr/> <p>Tarikh: 01/02/2018</p>																														
<p>1) Produk apakah ini?</p> <p>Pelan ini menawarkan perlindungan takaful untuk [22] tahun.</p> <p>Pelan ini direka khas untuk kanak-kanak berumur semasa kemasukan di antara tiga puluh (30) hari hingga dua belas (12) tahun, di mana ianya memberi perlindungan ke atas kematian atau Hilang Upaya Menyeluruh dan Kekal (HUMK) ke atas Orang Yang Dilindungi sebelum Sijil Takaful matang.</p>																															
<p>2) Apakah konsep-konsep Syariah yang diguna pakai?</p> <ul style="list-style-type: none"> • Wakalah – merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejen (wakil) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks Takaful IKHLAS, kontrak wakalah melibatkan yuran (<i>wakalah bi al-ujrah</i>) yang dibayar kepada Takaful IKHLAS. • Tabarru’ – bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta-peserta Takaful yang ditimpa musibah. Di dalam konteks Takaful IKHLAS, Tabarru’ akan diperuntukkan ke dalam Dana Risiko. 																															
<p>3) Apakah perlindungan-perindungan/manfaat-manfaat yang ditawarkan?</p> <p>Manfaat Takaful dan Amaun Perlindungan adalah seperti di bawah:</p> <p><u>Perlindungan Orang Yang Dilindungi</u></p> <table border="0"> <tr> <td>a)</td> <td>Kematian atau HUMK¹ akibat Semulajadi</td> <td>:</td> <td>RM150,000.00</td> <td>²</td> </tr> <tr> <td></td> <td>• Bayaran Sekaligus</td> <td></td> <td></td> <td></td> </tr> <tr> <td>b)</td> <td>Kematian atau HUMK akibat Kemalangan</td> <td>:</td> <td>RM150,000.00</td> <td>²</td> </tr> <tr> <td></td> <td>• Bayaran Sekaligus</td> <td></td> <td></td> <td></td> </tr> <tr> <td>c)</td> <td>Penyakit Kritikal – Bayaran Sekaligus</td> <td>:</td> <td>RM0.00</td> <td>[tambahan]</td> </tr> <tr> <td>d)</td> <td>Pendapatan Hospital</td> <td>:</td> <td>RM0.00</td> <td>[pendapatan harian]</td> </tr> </table>		a)	Kematian atau HUMK ¹ akibat Semulajadi	:	RM150,000.00	²		• Bayaran Sekaligus				b)	Kematian atau HUMK akibat Kemalangan	:	RM150,000.00	²		• Bayaran Sekaligus				c)	Penyakit Kritikal – Bayaran Sekaligus	:	RM0.00	[tambahan]	d)	Pendapatan Hospital	:	RM0.00	[pendapatan harian]
a)	Kematian atau HUMK ¹ akibat Semulajadi	:	RM150,000.00	²																											
	• Bayaran Sekaligus																														
b)	Kematian atau HUMK akibat Kemalangan	:	RM150,000.00	²																											
	• Bayaran Sekaligus																														
c)	Penyakit Kritikal – Bayaran Sekaligus	:	RM0.00	[tambahan]																											
d)	Pendapatan Hospital	:	RM0.00	[pendapatan harian]																											

e) Anugerah Kecemerlangan Pendidikan

Orang Yang Dilindungi di bawah pelan ini akan diberikan saguhati untuk keputusan cemerlang akademik dalam UPSR, PT3, SPM, STAM atau STPM. Manfaat ini hanya akan dibayar jika Sijil Takaful telah berkuatkuasa sekurang-kurangnya tiga (3) tahun.

Jadual manfaat adalah seperti berikut:

No.	Kategori Peperiksaan	Kriteria Minimum	Manfaat Dibayar (setiap A/ Mumtaz)
1	UPSR	5A	RM100
2	PT3	7A	RM100
3	SPM	7A	RM100
4	STAM	7 Mumtaz	RM100
5	STPM	5A	RM100

f) Manfaat Matang

Amaun terkumpul di dalam PIA / PRIA, termasuk pendapatan pelaburan dari PIA / PRIA dan lebih boleh-agih bersih daripada Dana Risiko, jika ada, akan dibayar apabila Sijil Takaful mencapai tarikh matang.

g) Manfaat Serahan

Amaun terkumpul di dalam PIA / PRIA, termasuk pendapatan pelaburan dari PIA/ PRIA dan lebih boleh-agih bersih daripada Dana Risiko, jika ada, setelah ditolak yuran pentadbiran sehingga RM 50, akan dibayar apabila berlakunya penyerahan Sijil Takaful.

h) Pengeluaran Tunai

Pengeluaran tunai sebahagian daripada baki di dalam PIA/ PRIA adalah dibenarkan apabila Sijil Takaful mencapai tempoh minima sekurang-kurangnya lima (5) tahun. Bagi setiap Sijil Takaful, hanya lima (5) kali pengeluaran dibenarkan sepanjang tempoh hayat Orang Yang Dilindungi di mana tempoh minima antara setiap pengeluaran adalah selang dua (2) tahun. Amaun pengeluaran yang dibenarkan adalah maksima 50% daripada PIA/ PRIA untuk setiap pengeluaran. Setiap pengeluaran akan dikenakan yuran pengeluaran sehingga RM50.

i) Penambahan Kadar Sumbangan Takaful

Sumbangan Takaful tambahan boleh dibuat pada hari pertama Sijil Takaful berkuat kuasa, dengan syarat Sumbangan Takaful tahun semasa adalah tidak tertunggak. Amaun penambahan minimum adalah sebanyak RM 50 di mana amaun ini akan dimasukkan sepenuhnya ke dalam PIA Peserta Takaful.

Perlindungan Peserta Takaful

- j) Payor Saving (pengecualian Sumbangan Takaful apabila berlaku Kematian atau HUMK atau Penyakit Kritikal kepada Peserta Takaful) : RM0.00 tahunan

- k) Kematian atau HUMK kepada Peserta Takaful disebabkan semua sebab : RM0.00
- Bayaran Sekaligus

Nota-nota:

1. HUMK adalah berdasarkan “Pekerjaan Sendiri atau Pekerjaan yang Sesuai” dan hilang upaya telah berlaku sekurang-kurangnya enam (6) bulan, Manfaat Takaful yang dibayar adalah tertakluk kepada:

- Tuntutan HUMK disahkan oleh Doktor yang dilantik.
- Sumbangan Takaful tidak tertunggak.

Jumlah maksimum perlindungan HUMK boleh dibayar daripada semua Sijil Takaful yang diluluskan oleh Takaful IKHLAS ke atas diri Orang Yang Dilindungi haruslah tidak melebihi RM1,500,000 untuk dewasa dan RM500,000 untuk kanak-kanak (16 tahun dan ke bawah).

2. Tempoh kontrak : [22] tahun

3. Sila baca Sijil Takaful untuk maklumat lebih lanjut mengenai Manfaat-manfaat Takaful.

4) Berapakah jumlah Sumbangan Takaful yang perlu dibayar?

Jumlah Sumbangan Takaful yang perlu dibayar dan tempoh perlindungan berbeza bergantung kepada keperluan pengunderaitan, umur, tempoh, manfaat tambahan yang dipilih, kelas pekerjaan dan Amaun Perlindungan. Sumbangan Takaful anda adalah seperti berikut:

Umur Orang Yang Dilindungi : 1 Tahun
 Umur Peserta Takaful : 30 Tahun
 Kelas Pekerjaan : 2

<u>Butiran Pelan</u>	<u>Tempoh Perlindungan</u>	<u>Amaun Perlindungan (RM)</u>	<u>Sumbangan Takaful Tahunan (RM)</u>
<u>Pelan Orang Yang Dilindungi</u>			
a) AGRO BESTARI-i	22	150,000.00	10,080.00
b) AGRO Critical Illness (additional)	-NA-	-NA-	-NA-
c) AGRO Hospital Income	-NA-	-NA-	-NA-
<u>Pelan Peserta Takaful</u>			
d) AGRO Payor Savings	-NA-	-NA-	-NA-
e) AGRO Term for Payor (level)	-NA-	-NA-	-NA-
Jumlah Sumbangan Takaful Tahunan			10,080.00

Sumbangan Takaful pembaharuan adalah TIDAK DIJAMIN dan Takaful IKHLAS berhak untuk menyemak kadar Sumbangan Takaful pada ulang tahun Sijil Takaful berikutnya berdasarkan pengalaman tuntutan untuk keseluruhan produk. Takaful IKHLAS akan memberi tiga (3) bulan notis bertulis kepada Peserta Takaful sekiranya berlaku penyemakan semula Sumbangan Takaful. Sumbangan Takaful boleh diubah sekiranya pengalaman tuntutan semakin meningkat. Terma dan syarat untuk perubahan ini adalah tidak terhad dan Sumbangan Takaful juga boleh disemak-semula di atas alasan-alasan lain yang munasabah.

5) Apakah yuran-yuran dan caj-caj yang perlu dibayar?

- **Yuran Wakalah**

Yuran Wakalah sebagai peratusan daripada Sumbangan Takaful akan dikenakan. Sila rujuk kepada ilustrasi manfaat Takaful untuk amaun Yuran Wakalah.

- **Komisyen**

Amaun komisyen adalah sebahagian daripada Yuran Wakalah. Sila rujuk ilustrasi manfaat Takaful untuk amaun komisyen.

- **Tabarru'**

Amaun tabarru' akan ditolak secara bulanan dari Akaun Pelaburan Peribadi (PIA)/ Akaun Pelaburan Risiko Peribadi (PRIA). Amaun Tabarru' akan meningkat berdasarkan umur Orang Yang Dilindungi. Caj Barang dan Perkhidmatan (CBP) akan dikenakan ke atas tabarru' untuk manfaat Penyakit Kritikal, Kemalangan Diri dan Takaful Perubatan dan Kesihatan. Butiran amaun tabarru' dan caj-caj lain untuk pelan ini adalah seperti yang dinyatakan di dalam ilustrasi manfaat.

- **Yuran Pembaharuan Semula**

RM15 untuk setiap pembaharuan semula akan dikenakan, ditambah Cukai Barang dan Perkhidmatan semasa pembaharuan semula Sijil Takaful.

- **Yuran Serahan**

Yuran serahan akan dicaj sehingga RM50, ditambah Cukai Barang dan Perkhidmatan semasa serahan Sijil Takaful.

- **Yuran Pengeluaran**

Yuran pengeluaran akan dicaj sehingga RM50, ditambah Cukai Barang dan Perkhidmatan untuk setiap transaksi pengeluaran.

- **Duti Setem**

Duti Setem sebanyak RM10 akan dikenakan, tambahan ke atas Sumbangan Takaful pertama untuk setiap Sijil Takaful.

Nota: Pembaharuan semula merujuk kepada keadaan di mana anda telah membuat pembaharuan semula Sijil Takaful anda selepas ianya luput, Sila rujuk Sijil Takaful untuk mendapatkan maklumat lanjut berkenaan pembaharuan semula.

6) Apakah terma-terma dan syarat-syarat utama yang perlu diketahui?

- a) Kepentingan pendedahan maklumat – Peserta Takaful dikehendaki mendedahkan semua maklumat dan fakta seperti keadaan kesihatan, dan menyatakan umur dengan betul. Takaful IKHLAS mempunyai hak untuk menolak pembayaran tuntutan jika Peserta Takaful didapati gagal untuk mendedahkan maklumat yang berkaitan yang akan mempengaruhi keputusan untuk menerima atau menolak risiko, dan tentang peruntukan-peruntukan yang akan ditetapkan kepada Peserta Takaful.
- b) Tempoh Bertenang – Peserta Takaful boleh membatalkan Sijil Takaful dengan mengembalikan Sijil Takaful tersebut kepada Takaful IKHLAS dalam tempoh lima belas (15) hari dari tarikh Sijil Takaful diterima. Sumbangan Takaful yang telah dibayar (selepas ditolak dengan jumlah perbelanjaan perubatan – sekiranya ada) akan dikembalikan kepada Peserta Takaful. Takaful IKHLAS akan membatalkan Sijil Takaful dengan serta-merta setelah penerimaan surat pembatalan dan ianya akan dianggap tidak berkuat kuasa dari tarikh dikeluarkan.

- c) Sekiranya berlaku kematian atau HUMK kepada Orang Yang Dilindungi sebelum dia mencapai umur lima (5) tahun pada hari jadi akan datang, Amaun Perlindungan yang akan dibayar adalah seperti berikut:

Umur Kematian/ HUMK (Hari Jadi Akan Datang)	1 tahun	2 tahun	3 tahun	4 tahun	5 tahun
Peratusan Amaun Perlindungan Dibayar	20%	40%	60%	80%	100%

- d) Tempoh Menunggu untuk pelan Takaful Perubatan dan Kesihatan atau yang berkaitan adalah 30 hari dari Tarikh Kuat Kuasa.
- e) Pendapatan pelaburan sebenar boleh berubah-ubah mengikut keadaan pasaran. Oleh itu, jumlah terkumpul di dalam PIA/ PRIA boleh meningkat naik atau menjadi kurang daripada jumlah Sumbangan Takaful yang telah dibuat ke dalam PIA/ PRIA (berkemungkinan menyebabkan peluputan Sijil Takaful sebelum tempohnya).
- f) Keuntungan pelaburan daripada PIA/ PRIA, jika ada, akan dipulangkan kepada Peserta Takaful (melalui PIA/ PRIA) setelah ditolak Yuran Prestasi Pelaburan sebanyak 30% daripada keuntungan pelaburan tersebut. Walau bagaimanapun, pihak Syarikat boleh menolak Yuran Prestasi Pelaburan kurang daripada 30%.
- g) Syarikat akan mengenakan Caj Pengurusan Lebihan (SAC) sebanyak 50% daripada sebarang lebihan boleh-agih kasar semasa berakhirnya Tahun Kewangan Syarikat. Lebihan boleh-agih bersih (selepas ditolak SAC) daripada Dana Risiko akan diperuntukkan sepenuhnya (100%) kepada Peserta Takaful.
- h) Adalah penting bagi Peserta Takaful untuk menyimpan resit-resit sebagai bukti pembayaran Sumbangan-sumbangan Takaful.
- i) Sila hubungi Takaful IKHLAS sekiranya Peserta Takaful tidak menerima Sijil Takaful selepas empat belas (14) hari dari tarikh penyertaan.
- j) Notis terhadap tuntutan haruslah dibuat secara bertulis kepada Takaful IKHLAS dalam masa tiga puluh (30) hari selepas berlakunya kejadian yang mengakibatkan tuntutan. Setelah notis tuntutan dikemukakan, Takaful IKHLAS akan memberikan borang-borang berkaitan kepada pihak yang melakukan tuntutan bagi menfailkan bukti tuntutan serta memaklumkan pihak yang menuntut akan keperluan-keperluan lain yang mungkin diperlukan. Walaubagaimanapun, ini tidak akan menghalang pihak Takaful IKHLAS dari meminta dokumen yang selanjutnya mengenai tuntutan tersebut sekiranya didapati perlu. Kesemua maklumat dan bahan bukti ini hendaklah di kemukakan kepada Takaful IKHLAS dalam tempoh sembilan puluh (90) hari daripada tarikh berlakunya peristiwa-peristiwa yang dilindungi.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh terma-terma dan syarat-syarat yang terdapat di bawah Sijil Takaful.

7) Apakah pengecualian-pengecualian utama yang terdapat di dalam Sijil Takaful ini?

Pengecualian ke atas Kematian

Sijil Takaful ini tidak melindungi kematian yang disebabkan secara langsung atau tidak langsung, keseluruhannya atau sebahagiannya, oleh mana-mana satu daripada kejadian yang berikut:

- a) Membunuh diri; atau

- b) HIV atau mati akibat Sindrom Kurang Daya Tahan Penyakit (AIDS) atau penyakit kelamin yang lain; atau
- c) Di bawah pengaruh alkohol atau ubat-ubatan lain daripada mengikut arahan pengamal perubatan yang berdaftar.

Pengecualian utama diguna pakai untuk HUMK

Sijil Takaful ini tidak melindungi sebarang HUMK yang disebabkan secara langsung atau tidak langsung, keseluruhannya atau sebahagiannya, oleh mana-mana satu daripada kejadian yang berikut:

- a) Kecederaan diri yang disengajakan atau sebarang percubaan memudaratkan diri sendiri itu ketika siuman atau tidak siuman; atau
- b) Peperangan, penaklukan, ancaman musuh luar, permusuhan atau operasi-operasi berbentuk peperangan (sama ada peperangan diisytiharkan ataupun tidak) atau perang saudara; atau
- c) Pemberontakan, rusuhan awam, pemberontakan tentera atau orang awam, insurreksi, penentangan, revolusi, perintah berkurung atau darurat atau apa-apa jua peristiwa ataupun penyebab yang boleh menentukan pengisytiharan ataupun penyelenggaraan perintah berkurung ataupun darurat; atau
- d) Hilang upaya bermula sebelum penerimaan perlindungan; atau
- e) Keadaan sedia ada.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh pengecualian-pengecualian yang terdapat di bawah Sijil Takaful.

8) Bolehkah Sijil Takaful ini dibatalkan?

Menyertai pelan takaful keluarga adalah komitmen kewangan jangka panjang. Jika anda tidak membayar Sumbangan Takaful anda dalam tempoh yang dibenarkan, Sijil Takaful anda mungkin luput. Anda boleh memilih untuk membatalkan Sijil Takaful dengan memberikan notis bertulis kepada Takaful IKHLAS. Amaun tunai yang Takaful IKHLAS akan bayar apabila anda membatalkan Sijil Takaful sebelum tempoh matang mungkin kurang daripada jumlah Sumbangan Takaful yang telah anda bayar.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting untuk Peserta Takaful memaklumkan kepada Takaful IKHLAS sebarang perubahan pada maklumat/ alamat untuk memastikan semua komunikasi perhubungan sampai kepada Peserta Takaful dalam jangka masa ditetapkan.

10) Bagaimanakah saya boleh mendapatkan maklumat lanjut?

Jika anda memerlukan maklumat tambahan mengenai Takaful Keluarga, sila rujuk kepada buku panduan *Info Insurans* mengenai 'Takaful Keluarga'. Anda boleh memperolehnya daripada wakil Takaful kami atau lawati www.insuranceinfo.com.my

Sekiranya anda mempunyai sebarang pertanyaan, sila hubungi kami di:

Takaful Ikhlas Berhad
Jabatan CRM
IKHLAS Point
Tower 11A, Avenue 5
Bangsar South
No. 8 Jalan Kerinchi
59200 Kuala Lumpur.

Tel No: +603-2723 9696
Faks No: +603-2723 9998
Laman sesawang : www.takaful-ikhlas.com.my
Emel: ikhlascare@takaful-ikhlas.com.my

11) Produk Takaful Keluarga seumpama yang boleh didapati.

Sila hubungi cawangan Agrobank yang terdekat untuk maklumat lanjut.

NOTA PENTING:

PENYERTAAN DI DALAM PELAN TAKAFUL KELUARGA ADALAH MERUPAKAN KOMITMEN KEWANGAN JANGKA PANJANG. ANDA HARUS MEMILIH JENIS PELAN YANG BENAR-BENAR BERSESUAIAN DENGAN KEHENDAK ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN WAKIL ANDA ATAU MENGHUBUNGI PENGENDALI TAKAFUL SECARA TERUS UNTUK MAKLUMAT SELANJUTNYA.

MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUNYAI KEWAJIPAN UNTUK MENGAMBIL PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN DALAM BORANG CADANGAN (ATAU APABILA ANDA MEMOHON UNTUK TAKAFUL INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.

KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN, MUNGKIN MENGAKIBATKAN PEMBATALAN KONTRAK TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN KONTRAK TAKAFUL ANDA.

KEWAJIPAN PENDEDAHAN DI ATAS HENDAKLAH BERTERUSAN SEHINGGA KONTRAK TAKAFUL ANDA DIBUAT, DIUBAH ATAU DIPERBAHARUI DENGAN KAMI.

SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI), ANDA DIKEHENDAKI UNTUK MENYATAKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI MENERIMA ATAU TIDAK RISIKO DAN MENENTUKAN KADAR DAN TERMA YANG HENDAK DIGUNA PAKAI.

ANDA JUGA MEMPUNYAI KEWAJIPAN UNTUK MEMBERITAHU KAMI SEKIRANYA SETELAH KONTRAK TAKAFUL ANDA DIBUAT, DIUBAH ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN INI (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.

Maklumat yang terdapat dalam Helaian Keterangan Produk ini sah pada 01/02/2018